


+



誠齋集卷第四十三

廬陵楊萬里廷秀



賦

洛溪賦

予自二妃祠之下故人亭之旁招一漁舟薄遊三湘
風與水其俱順未一瞬而百里歛兩峰之際天儼離
立而不倚其一怪一奇一蕭然若仙客之鑑清漪也
其一蹇一諤一毅然若忠臣之蹈鼎鑊也怪而問焉
乃洛溪也蓋唐亭時其南崕臺歸其北土則危石對
立而欲落下則清潭無底而正黑飛鳥過之不敢立

迹予初勇于好奇乃... 挽寒藤而垂足照
象容而下窺忽焉心動毛髮森豎乃躡故步還至水
澗剝苔讀碑慷慨弔古俛而坐于釣磯之上喟然嘆
曰惟彼中唐國已膏肓匹馬北方僅獲不止觀其一
過不父日殺三庶其人紀有不數矣夫曲江為蓬中
之羽雉孤為明堂之柱其邦經有不蠹矣夫水墮稅
民之歆融豎稚民之隨其夫^天之心有不去矣夫雖
微祿見唐獨不賈厥緒哉觀馬嵬之威垂渙七萃之
歎離殪尤物以說焉僅平遠于已西吁不危哉嗟乎
齋則失矣而其^亦未為得也靈武之覆九五何其亟

也宜忠臣之痛心寄春秋之二三策也雖然天下之
事不易於處而不難於議也使夫謝奉冊于高邑稟
重哭於西帝遠人欲以圖功犯衆怒而求濟天下之
士果肯欣然為明皇而致死哉蓋天厭不可以復祈
人潰不可以復支何哥舒之百萬不如李郭千百之
師權而論之事可知矣且士大夫之捐軀以從吾君
之子者亦欲附龍鳳而攀日月踐台斗而盟帶砺也
一復蒞以菀荒則夫一呼萬應者又安知其不掉屑
也耶古語有之披机之會間不容穢當是之時退則
七、廟之忽諸進則百
嗟肅宗處以其寔難

為之九思而未得其言。而舟人告行秋日已晏
太息登舟水駛於箭回瞻兩岸江蒼茫而不見

歸歎賦

擊端月之涉七兮詎其日則曰人倦予遊于道路兮
念求以憇予神豈不愛寢月之娟好兮睡鄉榦予以
卜鄰曾不及于解衣兮寔暇既予之中悅相以以一
適兮忽予還家而及門忘予身之為羈兮驟喜覩予
之親炯鶴髮之照兮一西以勞予勤環見女之挽袖
兮犬雞亦為之載欣予親呼酒以予酌兮奚未舉而
既失驚客舍之已曩兮憶不見月而見日風換寒以

薄人兮巧尋罅以入室終予親之膝下兮夢覺而千
其里湛清盧之易溢兮潛予面其如洗推予枕其不
能寐兮捐衾裯而又不能起嗟予生之艱勤兮墨兵
納我于學林暮黃口而輕予之明月兮以耒耜而易
措紳既自山海之弃而粥于市兮又何嘆池活而籠
馴羗初心之豈其然兮亦曰負米而為負家焉釜吾
親兮公爾以芹吾君惟是行之福狂兮隨薦書以叫
闈謁帝矣而乃覲兮豈不就于一列其如釜甑之空
兮履無當而衣有結樂調飢而濟渴兮搃幸有曾水
之與積雪仰王都之造

非都盧其奚躡久而願

予之躄足兮欲自雜於汗血夢歸而不歸兮不念吾
親之指嚙歸歎歸歎豈南溪之無泉兮南山之無巖

中秋月賦

乾道丙戌中秋因與友人王才臣野酌言及師友
有懷紫岩先生慨然賦之

湛秋旻之不瑕兮沂桂月其耿然駕玉車以双輪兮
挂孤鏡之明燭何秋半而明倍兮乃大異于他之夕
豈望舒之革面兮抑羿妃之增飾繫天地潔齋之氣
兮肇允乎否而允乎澈蓋風露無所容其清兮播為
秋而哀為月竟歲年以俟此月兮一之遭而百違幽

人得與豈不偉兮乃未憚而既悲始予好之詰曲兮
志乎南而趾北不臨深于益之海兮矧踐迹乎顏之
域自德人之振我兮初予導夫康莊予竭履以無愛
兮奈之何阻且長並予馬以疾其驅兮僕夫告予以
餒而舉一世以好徑兮予乃獨背而馳予蘭茹而菊
餐兮豈求飽之故也懼予躬以驚立兮彼腴者哂予
誤也予既驟而忽眩兮欲陳詞於德人痛斯人之九
京兮滔者知其津清莫清兮秋之節明莫明兮秋
之月所美之不可及兮予豈不知其可悅裏乎慨
而感表兮亦不自知其為而苑結嗟人生之處以

兮前方斯古而後億年競權利之屑宰兮奚甘帶之
吳旃遂、烏金椎之撐控頤兮累、烏蒼苔之蝕其骨
何如予與予之迨暇兮又邂逅以秋月悲秋豈其違
人兮愛月乃我輩事及金樞之未央兮獨可有酒而
無醉

秋雨賦

楊子心疲于詩而病懼自疲于書而病膏故其畏熱
如嗚牛之見月其喜冷如渴井之得使丁亥八月秋
暑特甚蓋歲行之十期未有今歲秋陽之強梗楊子
不堪其熱仰而嘆曰江南何物以餉餽惟春寒秋暑

之二味古諺有謂也安得方里之長風吹層雲滿太
空以蕩此秋陽之餘紅者耶疇昔之夜袒肩露足呼
竹君以為床命枕筵而同宿見一熒之青灯猶憎其
助秋暑而為酷夜半驚起飛雨驟至劃悲風之怒號
借一鼓之聲勢浙、乎牖戶之欲洒急雪也洵、乎
松竹之摧落枝葉也驟、乎茅屋之震響將壓也犬
雞夜鳴兒女吁嚶縮頸入腹皆作寒聲楊子亦震掉
瑟縮而不寧視締綌其若仇歎衣褐之未營既不能
寢坐而太息曰凍者願烈日之不少暘者思秋氣之
一滌不得則思既得則思、與思其循環老忽至而

不知俛仰千載孰能逃造物之此機盖有能逃之矣^者
春不能燠秋不能肅天地不能老古今不能局聞之
前修太上立德次功次言所立惟擇三者必不能已^得
而去惟功則繫乎通塞至于德也者照宇宙之珠玉
也言也者載仁義之舟楫也稟焉于穹富以其躬莫
歎其豐莫塞其道不曰國功而曰聖功揚子則窮且
老矣抑知有未嘗老未嘗窮者耶彼造物者自寒自
暑自風自雨亦何關於汝

月暈賦

揚子與客暮立于南溪之上玩崩雲于秧疇听古樂

于蛙水快哉所欣意若未已偶侶士之足音予與客
而亟避退而坐于露草之徑衣上已克^見月矣寒空瑩
其若澄佳月澈其如水一埃不騰一氛不生揚子喜
而告客曰吾聞東坡先生之夫人曰春月之可人非
如秋月之凄人也吾亦曰今之時則夏矣月尚春也
言未既微風颯然輕陰拂然驚五色之晃蕩恍白虹
之貫天使人目乱而欲倒如覩江波之漉而身亦與
之回旋揚子惧而呼客曰月華方明奚驟眩焉紺旻
方潔奚忽奕^變焉客曰適有薄雲莫知所來非北非南
不東不西起於極無之中忽乎明月之依輪囷光怪

相薄相蕩而為此也殆紫皇為之地而風伯為之媒
欵楊子釋然曰所謂月暈如規者不在斯乎不在斯
乎方詳覘而無厭乃霍然而無見蓋月以有雲而隱
復以無雲而顯已雲以二風而聚還以一風而散也
楊子若有感焉乃告客曰天下之物孰非月之暈耶
暈之生色其可洗耶暈之消也其可止耶而天下之
士以晉楚之富為無竭以趙孟之貴為有抵其去則
持之而不忍其來則居之而不恥其癡黠何如也客
未對童子請曰人語既寂子盍歸息楊子與客一咲
而作曰今夕何少見此竒特

木犀花賦

秋氣已末秋日已夕楊子觴客醉欲出偶雲物之
淨盡吐霽月之半壁楊子鼻現若有觸焉澹空山之
何有驚妙香之郁然急謂客曰是必有異吾與子盍
小覘之行而求之無物可即也舍而不求又不能自
息也天風來其香浩蕩楊子乃凝神而從之忽欣然
而獨往蓋吾履未出于柴門之裏吾身已超于廣寒
之上矣水國湛不足以為其空明而深靚也雪宮
皚不足以為之其高寒而迥映也玉堦之前有團其
陰蔚乎瑠璃之葉撼乎琴瑟之音天葩芬敷匪玉匪

金細不逾粟香滿天地蓋向者之所聞乃於茲其良
是摩挲玉蟾蜍而問焉亦不知其名而字之曰桂吾
甚愛之欲求其裔將刈其枝以修^月身之王斧瀹其根
于銀河之秋水移之以歸藝我庭砌羿妃頽然而不
悅曰子將白之于帝揚子聳然而悟月尚未午客亦
未去顧而見木犀之始花宛其若天上之所覩笑而
問客曰吾之茲遊夢耶醉耶惘然不知其處

學林賦

吾友胡英彥取班孟堅序傳之卒章與黃豫章求益
臨下之意命其齋房曰學林誠齋野客楊萬里為賦

之其辭曰

學林先生宇宙一室書冊永日江聲山影排戶而顧
交詩矐書痴牢閤而不出客有念其幽獨者闖然諸
之仰瞻其玄霧之中則垢以銖兩計也俯視其烏皮
之几則埃以分寸量也客意若不釋然者而問先生
曰子奚若是哉癡矐之為奴埃垢之為鄉世與子忘
乎子與世忘耶先生塊然若不聞者徐顧客曰子可
與談乎俄掀眉而奮袖聚玉齒之有光源以開闢波
以帝皇幽以天緯焯以人綱睚以虞初之破碎粹以
東家之文章初松風而澗水忽玉磬而金簧客驚而

自笑曰吾嚮也病子吾今也敬子子殆近於道者耶
不然何癡於今而黠於古歟何矐於貌而腴於文歟
何埃其儿而不埃其心歟何垢其中而不垢其德歟
子殆近於道者也雖然子之幽且遐者吾不能以問
子、亦不能以告吾也願問其膚而已吾聞檀栢有
卿不明不植也玉石有琢不友不益也今子也十趾
之下無百里之歷兩耳之竇無卓辭之獲則子也既
絕學乎諒直矣不幾于不羽而翺書固不胫而趨聖
域哉此吾之所以不惑而不得也先生曰非竹宴林
惟書為林今吾百聖之與居群書之與曹蓋終日揖

遜其間之不暇子猶病吾虛空之逃耶客聞而悟出
而喜謂其人曰吾有聞矣吾有聞矣其人曰子焉聞
此客曰吾聞之學林之叟學林之叟聞之小德之父
小德之父聞之叔皮之子

交難賦

客有問焉信楊子曰蒙學於羿、為尽技、在羿則
羿安技在蒙則羿危孟子不罪蒙而罪羿子無疑歟
楊子曰子虛之子不可以問太系言有托也周子之
兄不可以談夢寐言罔覺也子以為孟子之言無為
而作也耶客曰擇而後友其友端矣交而後擇其盟

寒矣且蒙之為人也薄乎吾爾羿何與之盡驩射之
傳與否不足道也羿獨不與交而難之乎楊子曰客
知其一未知其二也昔者孔壬詐堯畫寢盡寐誑孔象以
爰兄之道來雖舜亦為之動蓋天之生物有萬其品
彼淑慝之不齊造物不能為之禁閔臯心於鳶喙予
施旨甘而報予以鵠雖聖哲兮奈何羿何為兮已甚
其或免而或遭惟係幸與不幸且夫孟子之於樂克
誅其舍館之未嘗定今使臯陶而為理與蘇公而同聽
一則訴投師之冤一則責見師之敬美臯蘇兮於斯
將二罪乎孰訂嘆兮人之生世孰無朋儔言合則金

春而玉應意適則雲凝而風休蓋亦天與之樂道與
之謀也若夫噐之與居駟之與徒思一射之愈已則
反目而相圖如羿者政可哀耳莊周曰求其至此而
不得者命也夫其羿之謂乎客咲曰子言則美矣吾
則異於子矣繼自今息交以絕游雞肋不足以煩一
矢公等皆去吾亦從此逝矣

嘉定元年春三月 男 長孺編定
端平元年夏五月門人 羅茂良校正

楊誠齋集卷四十三

誠齋集卷第四十四

廬陵楊萬里 廷秀

賦

糟蟹賦

江西趙漕子真餉糟蟹風味勝絕作此賦以謝之
楊子疇昔之夜夢有異物入我茅屋其背規而黝其
臍小而白以為龜又無尾以為蛙又有足八趾而雙
形端立而旁行淫雜下而成珠臂双怒而成兵寐而
驚焉曰是何祥也召巫咸卦之遇坤之解曰黃中通
理彼其蘊者欬雷雨作解彼其名者欬蓋海若之黔

首馮夷之黃下者欵今日之獲不羽不鱗奏刀而玉
明披腹而金生使營糟丘義不獨醒是能納夫子于
醉鄉脫夫子于愁城夫子能親釋其堂阜之縛俎豆
于儀狄之朋乎言未既有自豫章來者部署其徒趨
澹而至矣謂入視之郭其姓索其字也楊子迎勞之
日汝二淝之裔耶抑九江之系耶松江震澤之珍異
海門西湖之風味汝故無恙耶小之為彭越之族大
之為子牟之類尚與汝相忘于江湖之上耶于是延
以上客酌以大白曰微吾天上之故人誰遣汝慰吾
之孤寂客復酌我復酌客忽乎天高地下之不知

又焉知二豪之在側

歷波堂賦

陳晞顏作堂洮湖之上榜以歷波命與友誠齋野客
廬陵楊某賦之其辭曰

敦復先生宅于洮湖日與湖而居猶以湖為踈乃堂
其涯去湖寸餘蓋城虎牢以逼鄭晉退三舍而子玉
不止者欵一夕波歌鏡底生月忽失洮湖之所在但
見萬頃之平雪先生欣然曰吾又將載吾堂于扁舟
對越江妃之具闕我菱我裳我葛我巾筆床茶灶瓦
盆藤尊左在簡齋之詩右退之文舟人之擢一縱而

先生飄然若秋空^之孤雲矣先生方独酌濁酒悲吟
苦語攬鬚根之霜搜象外之句管城子楮先生環而
攻之麾之未去也有風颯如有瀾燁如舟人曰浪將
作矣夫子其歸乎先生未及荅而小波屋如大波山
如龜魚陸梁蛟龍睚眦馮夷擊鼓而會戰川后鞭車
而疾驅澎一葦之浮沒眩秋毫之有無舟人大恐相
顧無色先生投袂而起仰天而嘆曰吾與洮湖定交
久矣而未嘗識此奇觀也子產曰它日吾見蔑之面
而已今見其心請改事湖庶幾歲晚之斷金

放從織賦

楊子朝食既徹步而圃嬉遙見一二穉子集乎遠華
之堂環焉其若圍俯焉其若窺躡焉其若追也楊子
趨而往視之蓋從織之始生而尚未墜地而未能飛
者也嘉遜而不市故高步而不界辟穀而不餌故癯
貌而不肥既蚱蟻其修鬚亦翡翠其薄衣彼其臂短
而脰甚長是故將進而趨趨翹立而孤危也楊子咲
謂穉子曰汝豈識之乎是固夫霜淒露感而恆緯征
人之裳者歎身勤心苦而提身女紅之荒者歎晝聞
宵嘯自甚而狙堂者歎多言強聒身隱而聲彰者歎
若悲若怨若憤若嘆而吟歎秋夕之清長者歎冥矣

據于幽茂而沾身于躡藉若是其幼且孱也乃命穉
子籍以羽扇迂之叢間見密菜其躍如曝冬日其欣
然穉子反命曰是虫也若子產之魚圍、烏洋、馬
矣揚子使穉子反視之至則行矣

雪巢賦

天台林君景思之廬宇以雪巢尤延之為作記廬陵

揚某復賦其辭曰

赤城兮霞外天台兮雲表有美兮先生相宅兮木杪
厭人寰兮喧畢薄市門兮囂湫壑谷與深蝸庐褊小
沙彼懸崖天紳之涯奇峯日拂枯松霄排飛上萬仞

之顛旁無一寸之階我營我巢維條伊枚命黃鵠而
銜枝驅玄鶴而曳柴斧辛夸以為柱刈山桂以為棟
蘭篠椒其芬荷蓋岌其不動將旁招樵夫朋盍溪友
以落之且有士其喜頌矣夜半風作頓撼林薄天駭
地愕山跳海躍已而寂然四無人聲黯天黑而月落
忽入窓之夜明恍身墮于冰谷羗刮骨其寒坐窮猿
曹皞飢鳥獨鳴先生夙興而視之但見千里一編群
山失碧翔玉妃以萬舞飄天葩之六出皓、的、續
、藉、蓋朔雪千丈乾沒吾巢而無人跡矣先生舉
酒酌曰巢成雪至雪與巢會式瑤我室式珠我解空

無一埃點我滕榮繼自今匪仙客其勿近匪詩人其
勿對乃擣水漿與雪升飲兔鬚于墨澹大書其楮曰
雪巢標俗子出諸大門之外

清虛子此君軒賦

吾友清虛子家有竹軒命曰此君誠齋楊某為賦之
客有問于清虛子曰昔者子猷愛竹字之曰此君謂
此君一日之不可無古云知竹者未有若子猷之勤
者歟清虛子曰子猷可謂愛竹矣知竹則未也古之
知竹者其惟吾夫子乎蓋嘗聞之夫子適衛公孫青
僕子在淇園有風動竹聞蕭瑟檀欒之聲欣然忘味

三月不肉願謂青曰人不肉則瘠不竹則俗汝知之
乎其詩曰瞻彼淇澳菉竹如箒言念君子溫其如玉
吾乃今知竹之所以清武公之所以盛也蓋君子于
竹比德焉汝視其節凜然而孤也所謂直哉史魚邦
有道如矢者歟汝視其貌頎然而臞也所謂伯夷叔
齊餓于首陽之下民到于今稱之者歟汝視其中洞
然而虛也所謂回也其庶乎屢空有若無者歟故古
之知竹者其惟夫子乎子猷非知竹者也客曰甚哉
清虛子之言似夫子也敢賀此君從陳蔡者皆不及
門君何修何飾乃得此四子而同席願堅晚節于歲

寒以無忘夫子之德

梅花賦

紹熙四祀惟仲之冬朝暖焉兮似春夕淒其兮以風
揚子平生喜寒而畏熱亦復重裘而厚懷呼濁醪而
相浮嗔麟定之未紅已有而月漏微明雪飛滿空揚子
欣然而嘆曰舉世皆渾濁滕六獨清舉世皆暗望舒
独明滕也挾其清而不滲終歲遊乎大陰之庭舒也
倚其明而不垢當晝閱其廣寒之扁蓋二子相避而
疑于不相平也今夕何夕惠然偕來皎連璧之迥映
寒欲逝兮徘徊吾独附冷火而撥死灰頽不詒二子

之咄乎爰策枯藤爰躡破屐登萬花川谷之頂飄然
若絕弱水而詣蓬萊適群仙拉月姊約玉妃讌酣乎
中天之臺揚子揖姊與妃而指群仙以問焉曰彼縞
裙而侍鍊悅而立者為誰曰玉皇之長姬也彼翩若
驚鴻矯若游龍者為誰曰女仙之飛瓊也彼膚如凝
脂体如束素者為誰曰泣珠之鮫人也彼肌膚若冰
雪綽約若處子者為誰曰藐姑射之山之神人也其
餘萬妃皓皓的的的光奪人目香襲人魄問不可徧同
馨一色忽一妃起舞而歌曰家大庾兮荒涼系子真
兮南昌逢驛使兮寄遠秋不歸兮故鄉歌罷因忽不

見旦而視之乃吾新植之小梅迨雪月而夜聞

海鱸賦 有後序

辛巳之秋牙斯寇邊既飲馬于大江欲斷流而投鞭
自江以北號百萬以震擾自江以南無一人而寂然
牙斯抵掌而笑曰吾固知南風之不競今其暮有烏
而信焉指天而言吾其利涉大川乎方將杖三尺以
麾犬羊下一行以令腥羶掠木縣估客之艤登長年
三老之舡並進半濟其氣已無江壩矣南望牛渚之
磯屹峙七寶之山一幟特立乎彼山顛牙斯大喜曰
此降幡也賊衆呼萬歲而賀曰我得天牙言未既蒙

衝兩艘夾山之東西突出于中流矣其始也自行自
流乍縱乍收下載大屋上橫城樓縞于雪山輕於雲
毬倏忽往來刻頃万周有雙壘之舞波無一人之操
舟賊衆指而笑曰此南人之善幻不木石竹其誑我
以楮先生之儔乎不然神為之楫鬼與之游乎笑未
既海鱸万艘相繼突出而爭雄矣其迅如風其飛如
龍我有流星如万石鐘質自蒼穹墜於波中復躍而
起直上半空震為迅雷之隱俗散為重霧之冥濛人
物咫尺而不相辨賊衆大駭而莫知其所從于是海
鱸交馳攬西噪東江水皆沸天色改容衝颯為之揚

沙秋日為之退紅賊之舟楫皆躡藉于海鱒之腹底
吾之戈鋌矢石亂發如雨而橫縱馬不必射人不必
攻隱顯出沒爭入于陽侯之珠宮牙斯匹馬而宵遁
未幾自斃于瓜步之棘叢予嘗行部而過其地聞之
漁叟与樵童欲求牙斯敗衄之處杳不見其遺踪
但見倚天之絕壁下臨月外之千峯草露為霜蒹葭
脫茸紛擢謳之悲壯雜之以新鬼旧鬼之哀恫因觀
蒙衝海鱒于山趾之河汭再拜勞苦其戰功惜其未
封以下瀨之杜侯冊以伏波之武公抑聞之曰在德
不在險善始必善終吾國其勿恃此險而以仁政為

甲兵以人材為河山以民心為垣墉也乎

右采石戰艦曰蒙衝大而雄曰海鱒小而駛其
上為城堞屋壁皆鑿之紹興辛巳逆亮至江北
掠民舡指麾其眾欲濟我舟伏于七竇山後令
曰旗舉則出江先使一騎偃旗于山之頂伺其
半濟忽山上卓立一旗舟師自山下河中兩旁
突出大江人在舟中踏車以行舡但見舟行如
飛而不見有人虜以為紙舡也舟中忽發一霹
靂礮蓋以紙為之而寔之以石灰硫黃礮自空
而下落水中硫黃得水而火作自水跳出其聲

如雷紙裂而石灰散為烟霧眩其人馬之目人
物不相見吾舟馳之壓賊舟人馬皆溺遂大敗
之云

後蟹賦

昔趙子直漕江西餉予糟蟹回為賦之江西蔡
帥定夫復餉生蟹風味十倍曹丕再為賦之
司徒道明永自洛師至止江湄逢一湖海之仙貌者
乎晉之解揚而其怒有赫骨像乎漢之彭越而其圜
中規獨愛其二執戈者前矣視其趾二四而有蹄意
以為吳中介士郭先生也不知其姓則彭其字則螟

也亟携其手而上曰吾自渡江以來取友不少矣如
孔之金如王之瓊吾皆得而友朋如魏之王如庾之
穀吾皆得而款曲夫子安在何相見之暮而不風也
于是齒牙嗜焉胃懷寄焉與之一飲一食而同醉焉
夜半客起若有所刺者司徒腹心岑若有所崇者詰
朝下逐客之令屏之陽侯之遐裔焉佗日以天子之
命作牧于豫章幕府初開遙見俊良望見一客又似
乎彭越與解揚命典譚曰是嘗崇我而幾我傷者矣
予不汝殺世無皇祖其生致之于邇江而上之揚乎
揚子方晚飲聞其至揖而進之曰吾有二友惟彼麴

生與尔郭索老夫與之同死生不減顏氏子之樂彼也日從子游尔也久于云邈何相忘江潮莫我肯顧也何使我清風明月必思元度也尔之德吾能言之洗手奉職德之上也就湯割烹德之次也舖灵均之糟卧吏部之甕德斯為下矣客于是涕唾流沫園視而顰謝曰士固有以膺乱真以遠間親聖而受園肯乎形也孝而投杼同乎名也僕之主公昔以彭為郭今以郭為彭不遇蔡司徒幸遇楊子雲願借先生蒼頡之篇與太玄後引之文詳註尔雅彭郭之異族庶解嘲于司徒之門

卷四十四終

誠齋集卷第四十五

廬陵楊 萬里 廷秀

辭

張丞相詠歸亭詞二首

湘之山兮幽々湘之水兮舒々我來兮桂之楊春聿云暮兮上下綠淨而交如鳥鳴兮花乾彼湘之人士兮詠遊而魚々長者兮矩步童子玉雪兮趨亦趨挾策兮抱琴若將游兮物之初野風兮修々吹万而不可執兮所過而敷腴長者願謂童子曰快哉此風吾為汝援琴而歌之歌曰滄浪兮濯纓風涼兮舞雲微

德人兮焉歸以斯道兮金玉予欲問津兮沂之水其
則不遠兮又焉知湘江之非欤

蒞蘭圃兮治芙蓉有美君子兮何斯其燕居乎尹兮
袖間陞白虹兮斗之虛章甫兮深衣御風騎氣而天
游兮與造化而為徒獨立万物之表兮室邇而人甚
遠山立而淵靚兮道德燕及乎虫魚韋編兮在手隱
几而臥兮夢一夫首肖乎尼山兮何其目莞爾而
笑兮告予以下學而上達知我者其天乎忽寤兮四
顧歎乃一聲兮亭之西隅

和張欽夫望月詞

欽夫示往歲五月詠歸亭侍坐大丞相望月詞
予以辛巳二月既望夜歸讀書于誠齋中夜漏
未盡二刻月出于東山清光入窻欣然感而和

焉

玉虫暈以貫虹兮學林之顛闐其霄兮聖賢畢參于
前心超兮千載忽乎納自牖兮光寒而靜娟吾與視
兮何群望舒推轂兮麟大園生兩儀兮虛白飾万物
兮清妍彼何居兮輶茲挈一規兮破幽偏代天兮宣
精抗歌兮惡盈似道兮日損縮于一晦弦兮万斯年
而求伸宅天下兮至晦鏡天下兮至明燭吾心中之

月分貫地緯而洞天經吾奉月兮周旋月踵吾兮後
先夫君寄我兮三章招月而與寓目兮炯筆勢之翩
想它日之獨立兮過庭而侍側誰其耳剽于玉振
兮惟此月知其然月不予留兮予亦詠而歸歌三終
兮謝明月何夕復惠然兮臨我於亭乎而

延陵懷古

予假守延陵蓋州來季子之虛也迨暇登城游目四
顧慨然想見季子之風烈既而問諸故老古今之士
或邑于斯或寓于斯者得三人焉作延陵懷古詞
荆之溪兮澹以幽惠之山兮雲偉思君子兮不見莽

草樹兮脩：面句吳兮東而坐背朱方兮北臥齊楚
豈不強而大方吾王以安賢于國其無禪兮不曰季
子存而吳賀波懵者之嚮言兮謂兆亡于讓王弗至
承于考心兮用永五湖之与三江祀太伯其忽諸兮
顧襲譽于子臧曾不知民無讓而不立兮自古皆有
亡諷此姑自鋤箕兮疇莫知其重輕若干乘暨簞豆
兮潔豐約而則明迨躬逢而利休兮亦幾何而靡爭
謂吾札之不懿兮札亦恬受而茹聲復思兮君子乾
坤毀而日月息兮則君子之亦死

延陵季子

密雲兮終風健順閉兮固守蹊之通喟葵丘踐土而
迹熄兮矧冀方岐山之與逢單棠谿以鑄兵兮靡遺
蒲于董澤燕簷無趾而造齊廟兮楚眊而秦其魄聞
六王于一說兮微儀衍之舌而不國嗟若先生兮雞
知時之不如儲唐虞之故冕兮鬻洙泗之敝裾乘方
輪而折軸兮欲先鞭而疾駟豈不家捐而人棄兮載
之萬世之亨衢繫素王兮中都若蘭陵兮聖之徒征
九伯而佩六印兮晞二邑哉而不得俱倘不欲以天
球玉磬而賀康瓠兮嗟爾後死者其舍諸

蘭陵公

吹赤壁之月笛兮瞻黃州之雪堂彈湘妃之玉瑟兮
織天孫之錦裳招先生其來兮歸何必歸眉山之故
鄉歷九州而猶隘兮誕真之祝融之汪酌乳泉以當
醴兮餐荔子以為糧葺榕葉以作屋兮託枕柳之廕
以為裳駟海濤以入硯滴兮挽南斗文星于筆鋌昌
黎兮歐陽視先生兮雁行韞不洩兮忠憤炯不渝兮
文章乞鏡湖兮九閩營菟裘是是邦子之來兮云暮
與先生兮相望視履跡兮焉在問故宮兮就荒俯仰
兮永懷渺山川兮蒼々

東坡先生

跋李允蹈思故山賦辭

允蹈月岩先生家方叔之曾孫也

月岩含章兮噫孰^贊頭之璜兮噫逋不其償兮噫眉山之下兮噫既億其價兮噫胡漏于罅兮噫顛于眉山兮噫山顛于天兮噫天感其顏兮噫有斐孫子兮噫花披秀啟兮噫烈祖是似兮噫筆似其鋒兮噫骨似其窮兮噫爾詞則古兮噫爾騷則楚兮噫爾璞孰估兮噫招巫咸兮噫有筭爾占兮噫曷焯爾潛兮噫曷富不濟兮噫曷節不賁兮噫吽初笑既兮噫

和淵明歸去來兮辭

予倦游半生思歸不得紹熙壬子予年六十有六自

江東漕司移病自免蒙恩守贛病不能赴因和歸去來兮辭以自慰其辭曰

歸去來兮平生懷歸今得歸而未歸而不懌豈當懌而更悲媿一陶之不若庶二疎兮可追肖令威之歸遼喟物是而人非捐水蒼兮今佩友^反芟^芟製兮昨衣恋豈諼夫太紫分敢踰于少微如鹿得草望綠斯奔如鶴出籠豈復入門屨雖未得而趾故存謂予不信有如太罇月喜予之言歸墮清暉而照顏山喜予以出迎相勞苦其平安江喜予而舞波繫碎雪于雲關紛隣曲之老穉羌堵墻以來覩沸里巷之犬雞亦喜翁

之蚤還驚鬢鬢之兩霜尚翹々而桓々歸去來兮半
天下以倦游飢吾驅而予出奚俟飽而無求現一簞
之屢空躬自樂而人憂暨一區之草玄娛羲西與箕
疇豈慕胥靡濟川作舟矧先人之敝廬有一壑兮一
丘後千尋兮茂林前十里兮清流耿靡羨而載營蹇
何驚而不休已矣乎用舍匪吾行止匪時何至吸醕
如漁父何必乎擔墓兮如羲之吾行可枉塗吾止可
預期應耘耔而端委猶端委而耘耔對天地而一哂
酢風光以千詩抵稿莖與朽殼豈復從詹尹而決疑

黃世永哀辭

乾道己酉秋七月予因謁鄉先生武岡史君羅公々
曰子之友黃世永者死矣世永之父元授得州南雄
六月某日世永自行都侍南雄公西歸至貴溪逆旅
南雄公疾不起後一日世永亦卒或曰皆暍也或曰
世永毀也予聞之心折泣且疑後月餘得中書舍人
周公子充與友生胡季永書與武岡公之言不異予
是哭之盡哀世永名文昌南豐人自其祖至世永三
世策進士第而世永策第時年最幼蓋生二十有一
也初主贛之贛縣簿予時為州戶掾予之來去後世
永者一年而為寮者三年一見即定交世永之高遠

深博者予不能竟也其學以不媿屋漏為宗于文無所不能無所不工嘻笑立成而不似立成者也予每往視其政則見老稚叢于堂莫見世永也披而入則世永執筆決違如飛前者未出後者入夜分乃已世永不煩民亦不咨吏亦不欺初以為世永勤且嚴然旋觀三年如初之規竟不見其呵一民咎一吏勤者亦懈嚴者亦窮矣世永果勤且嚴者耶紹興戊寅三月世永白太守去出城五十里不得行田里之民環而止之者數十百人曰主簿去我不可生矣相與執輿折山花以簪世永持濁醪以觴世永而其老

者五六十人疾走贛之憲臺列辭以乞留司憲御史黃公無以遣則好謂之曰汝不愛黃主簿乎皆怒曰否曰留而塞与去而通孰愛孰不愛也乃皆曰然不得已泣而散予時親見此事以為今之守令罷則先期戒吏民以卧其轍此足榮不足榮耶以今之欺而謂否皆然若世永于贛之民乃有此古之所書卧轍云者久矣乎使予之不信也使予無所不信于古之云者世永哉雖然予于世永之事親見者也古之書者又不知其親見否耶未几浙水西部使者即公辟世永秀州崇德縣令時某令者待崇德次三年與適

及期而辟書下世永抗章力辭士大夫義之或者曰
矯也見義則不懦于避見利則勇于不避此或者之
所賢也世永得辭其矯哉世永在都下未調携家子
有階中人得法從者臺諫相視不怪世永袖文書謁
御史朱某姓者責以天下公議御史怒未有以蒞也
會中書舍人張公安國聞世永之風而悅之曰天下
乃有此士即荐于朝得召世永辭焉而御史亦言于
光堯曰黃某沽名躁進世永自足_是偃蹇江淮間上之
二年冬十二月以人望起故大丞相魏國張公于督
府而再相之公至首荐世永授樞密院編修官未赴

公為群小擠去而世永亦復論罷令二年矣而遂死
耶嗟乎哀哉世永年止三十有八而官止左從政郎
而其立已如此遐其年享其位以訖其施其立何如
哉雖然考且貴而莫之有立有立而莫之壽且貴時
使世永自擇宜何擇也然則世永可無憾矣而予猶
哀之耶嗟乎才珍於天而捐于人厚一邑而薄天下
吾意當世君子之用心不宜有此也不宜有而有焉
則予之哀獨為吾世永哉乃書以寄其子樞而為之
辭曰

聖門際天而不可逢兮子聚糧以疾趨古文熄而哇

鄭号子独返而雅諸^衆中皆賞其褻而遺其裏号知全
者不在予社^仕者謂顛民之蹠号不啻妹邦之夫何子
之仁以蒞号若膝下之乳雖予惟子之規号則未知
封屋之迂沐猴家而罔覩号子髮^上而銜盱告^舍已躁
進而謂子躁進号宜不曰沽名之非愚世切齒於波
之晚賈号流涕於子之不晚俎庸知天之不予衺号
不厚彼之辜惟師友之恩紀号一飯而九其吁天不
予槩而奪予朋号半其濟而亡艦决汝漢而東之号
曾是為予泪之餘若子之死而不死号不名星日
而骨幽榭

曾叔謙哀辭

故興安縣令曾君諱敏恭字叔謙韞韜瓌材不裸不
鬻竟不用世中壽而逝其名寔爵里謝昌國既銘之
里人楊某復誄以哀辭曰

歲紹興之壬午号余負丞於零陵泪夫君之南征号
臨二松之寒所聞登然于逃虛号辭未接而情親分
一日之光景号載鷓夷乎吾与行沛吾擊其蘭橈号
乱湘江以揚舲維予箝于愚溪号叩柳子之柴荆陟
西山以茹芳号降鈇鋤以激冷風吹衣以拂雲号希
手攬乎南斗之星君与我其俱醉号夜解乎^手丘亭

余未几而北歸兮君忽返乎銘旌曾合鬻而俛仰兮
奄古今乎死生羗夫之淵偉兮允江山之載英蔚豫
章之离竒兮森梗梓其崢嶸自拱把而培溉兮侯百
圍乎千尋萃雪山与冰谷兮凜霜影而雨声細犹堪
于薄櫨兮豈大者之不可来仰神舉于太紫兮矩厚
載而規圜清屹建章以亘明光兮連蕙草与蘭林詔
班尔以駿奔兮旁搜岩崖之歌傾締皇屋及帝室兮
將涓休乎落吾成蹇棟幹槁乾于室山兮匠不獲以
督繩紛后皇之偃材兮怒何幽之不微喟一擷而万
指兮夫孰有遭而无菅君方舍斯世而去之兮豈遠

欣而穷憎耿精爽之未泯兮嗤彼啄腐而吞腥裁斯
文寄哀兮聊復寫久要平生之情

范女哀辭

石湖先生參政范公有愛女名某字某嫿德淑茂年
十有七紹興壬子五月從公汎舟之官當塗至公舍
得疾旬日而逝公哀痛不自制八月命其同年生誠
齋野客楊某作辭以哀之曰
有齊石湖之季女兮肇俊茂而青葱蘭茁芽以芬播
兮玉在璞而光融茹采蘋以為糗兮築內則為之官
樂彤管以倣載兮逝將眇青竹而論功製菡萏以為

裾兮楊之以秋江之芙蓉兮蕙纓而菊佩兮豈江離
揭車之與縫撮衰文之翹雪以深德兮藜萬壑之清
冰而在躬耿吾獨傳中郎之素業兮豈曰矜蕭然林
下之風沛吾乘乎桂舟中兮无小無大焉漫吾兮何
若而人之不淑兮奄一疾而長終忍舍蘭陔之孝眷
兮莽玉女宓妃之與從父曰嗟予膳之孰視兮母曰
嗟予命之疇同盍兩親之哀潛兮遺九宗之長恫蹇
石湖之慟而莫之釋兮小極而隱几乎書之叢夢漂
而行遠兮求吾兒乎四方上下之青穹杳碧海之
際天兮歸三山之倚空蓬萊方丈之攸宅兮浮金宮

銀闕之崇兮若有人乎山之阿兮飛騰往來而不可
逢差可逢而不可執兮若迥映乎復腫臃摘玉李而
弄金波兮遨嬉乎倒景有無之濛鴻忽臨睨乎旧鄉
兮望見石湖之仙翁泣初眺而後哂兮言吾翁乎奚
戚容繫天地萬物之逆旅兮兒與翁父子適相值于
逆旅之中泪條合而忽分兮邈千交萬化而何窮泮
割愁之劍而不滿一咲兮非我翁春日攬鏡大篇之
春容翁頽咲而驚寤兮皦寒日其生於東

悼双珍辞

傳口刘光宗字廷瑞弟绍宗字廷碩受伏生尚書經

明行修文詞蔚然年三十餘一病旬時相繼而逝誠
齋野客楊万里惜其才悼其不幸短命作辭以哀之
命曰悼双珍云其辭

有傳者頌兮有立者潭岸乎瓊臺与玉堂兮天垂光
而蔚藍宝祲下幡乎九渊兮珍彩上徇乎千岩羗旁
礪醪轉而不滴兮耿虹貫乎晴嵐劬玉衡之望氣兮
九載旭考而宵參曰西江之軫慮兮盈双珍乎泥之
潜匪珠胎之双止兮則穀玉其美兼帝令雷公以持
答兮勅陽侯以葬函逝將修貢于王府兮旅清庙而
爾瞻夫何夔魍獍狂之予如兮肆為伯為之讒蹇訴

帝以不好兮未聽六丁之旁探飛巨石以載震兮洎
怒濤以有巖連壁毀于石韞兮双珠裂于波涵下和
慟以叫帝閭兮隋侯泣以衣沾帝之悲傷而未如之
何兮磔不若魑魅而不獸安得双珍之再世兮過暎
乎西江之北南

有宋苑孝毛子仁哀辭

子仁諱洵吉之吉水人也年十九第進士年二十三
中拔萃制科杜初公有詩美之其文集之有詩寄歐
陽公父母之喪廬墓死焉時年三十二天子賻之粟
帛以旌其孝書在國史後百有餘歲邑人楊万里讀

其文集作辭以哀之其辭曰

灑宇瞻宗方邈隆學篤生仁皇寔睿聰學二克兩舜

復時雍學杜韓富范再夔尤号巍蕩奮熙起在功學

歐陽伯仲軻与惟學雲昭漢回炳文風學麟在弄園

鳳在桐學金芝傳車朱草叢學思藝結綠初紫崇宮

些灵蛇照乘玉府充些大江之西文江東些毛伯苗

裔河嶽鍾些三辰五緯韞心胃些漢賈生與終童些

年未弱冠收科崇學連收制科天動容些玉映漢臺

驚群公些弃官如泥子職恭些死孝倚庐神明通些

文行有煒垂無窮些与宋一經相始終些凍黎百年

卷萬鐘些草腐菌朽花寔空些有者子蔚岱嵩些

操

趙平甫幽居八操

筠居操

公子誅茅不木不土此君惠然聿來胥宇

我娛齋操

一室容膝納萬壑而有餘一几凝塵載千古而不重

暮四朝三吾不復夢

醉石操

望之温其玉即之寒於冰一飲五斗一石解醒衆人

皆醉石独醒

竹斋

客来何间客去何嗅左右前後惟此君德不孤必有鄰

北窓操

一枕之甘萬戶不願清風之快萬玉不價為我謝避
侶翁誰在羲皇之下

梅亭操

竹屋夜明竹戶夜寒声幽人舍瑟而起視香通因而
白連城梅即雪乎四問而四不應

碁臺操

爭名不充則朝者嘻爭利不贏則市者吁君子無所
爭必也矣乎

龜潭操

風者其武波赫斯怒油然者淵未遽如許

嘉定元年春三月 男

長孺

編定

端平元年夏五月門人羅

茂良

校正

誠齋集卷第四十六

廬陵楊 萬里

廷秀

表

謝賜御書表

聖訓馭臣用勸廉勤之操宸章逮下無遺踈遠之邦
寶軸壁連荐紳風動臣某中謝竊以陽陳六事做有
位之苞苴成正百官董攸司之功業惟今明詔兼善
古王恭惟 皇帝陛下生德自天以躬率下体乾之
健樂勤勞而不疲酌損之修自奉養而有節尚虞中
外或狙懦貪爰肆業以成書示吐辭而為法俾彼雲漢

煥乎文章善者祇師丕承謨訓之告奸邪震虤知惧
春秋之嚴臣敢不惟暨乃僚对揚休命戴星爰曰忍
為視蔭之媮鬻雪飲冰勉企拔葵之潔

代賀立皇太子表

聖謨徑遠永罔宗社之休上嗣正名懋建元良之重
告于太室对越吳空臣某中賀竊以禹而明大人
嚴麗乎繼照震一而索長子体夫洊雷上際緝熙之
朝肇祚久大之曲恭惟皇帝陛下光昭先烈啟佑
燕謀出独断於宸衷奉縉儀於諸禁東序舞龠慶奉
四時之宜西學尚賢燕三代之禮臣遠將隆指阻造

書
大廷長發其祥載歌濬哲之損少成若惟願猷治安

代賀會慶節表

繼明以照大一統以惟新弥月為良於方年而鼎盛
暨于海表罔不高呼臣某中賀竊以天於太平為時
而生乃圣民思長治俾壽以祝其君三爰交歸諸福
用永恭惟皇帝陛下由仁如舜立武惟宣化日自
舒安取再中之異帝齡所与更昭二聖之同臣遠服
委輸欣逢慶賴却金鑑之猷既無路以效珍想鈿砌
乏崇惟盟雲而舞于

代福建憲何德猷謝到任表

七閩深秀地望匪輕庶獄平亭人命所寄大恩驟至
小已莫勝即受命以貢塗既入疆而尚倍見民鼓舞
為言天子之聖神聞臣布宣更感詔音之仁厚皆相
規而遠罪其忍負於好生臣其中謝伏念臣才則非
長用將安取策十駕之蹇寧不願於先鞭試一割之
能了蔑聞於餘刃一盼郡紱再領使軺頃師于之濯
征遴使指而給饗豈其乏使以飛輓而委臣迨此當
暮未謹何而已幸敢謂繼明之始亟叨布憲之除茲
蓋伏遇 皇帝陛下乃至天同於民子視約三章以

示之禁不曰尚威俾萬姓之與於仁其歸去殺夫何
淺陋亦詭奉承臣敢不務在盡心戒於苗獄必使人
之無訟雖則未能得其情而則矜庶乎自竭

代宰相賀雪表

神功所格冬大雪以應期天意謂何年屢豐而表瑞
吉之先見序則不愆臣中賀恭惟皇帝陛下乾以君
之睟之時者日月所會臨地統於三正造化為工凋
天葩之六出知麥未之有望奉稚莖以載欣臣遭世
泰初罔功變理驗時寒之若端自聖謀懷履薄之如
敢忘臣節臣無任

知常州謝到任表

承流陶徼初叨江海之麾易地淞西忽畀股肱之郡
分顧憂而益重豈薄陋之克堪臣中謝伏念臣嗜古
成迂信書故退頃從山水之縣入陪鸛鷺之班心乎
愛君而直前慨然遇事而妄發非聖明之全度則孤
拙之疾顛尋將母以告歸乃拜州而得請玉色臨遺
金声撫柔憇公幹漳濱之身三年于外易孤常州
之任再命茲恭敢謂戴盆而望天今復奉頭而見日
茲盖伏遇 皇帝陛下纂堯乃武蹈舜斯仁道在太
極之先不居其至明見万里之外以臨容 諏慈惠之

師布宣寬大之詔願捐輔郡以詭下臣、敢不既竭
駑才底緩秭服惟郡邑先惠養之治所願尽心使田
里無愁恨之声庶乎報上

謝降官表

奉詔弗宜抵誅而萬坐征商失察止敗秩之兩階
戴天斯仁躋地無所臣某誠惶誠懼頓首、伏念
臣受才不敏馭下太疎乘障無循良之稱已孤任使
所部有愆違之屬乃罔聞知方肇布於細書俾緩征
於行旅夫何下邑之近如彼監河之官公違溫言私
越里所事從其長盖厥咎之有歸罪疑惟輕豈始望

之及此茲蓋伏遇 皇帝陛下惟克濟衆如舜好生
雖離明之照四方何幽不燭然乾元之利万物所覆
無殊曾足卑微曠然恬冒臣敢不往欽厥訓茲率乃
僚仰体成湯儆官刑于有位願季孟子疾龍斷之賤
夫

廣東提奉謝到任表

守延陵季子之虛媿無治行使南粵尉佗之境復拜
恩言戴仁如天及已惟谷臣中謝伏念臣學非世用
才不人先幼而讀書亦竊探壁中之科斗長而試吏
願安知柱後之惠文三年朝班再歲輔郡進亦思磨

礪於名誼退則於布宣於詔條訖無消埃小補河嶽
九天曉日念孤身將遠於長安四乘秋封忽寵命載
驅於原隰至于南海保彼東方惟所部十有四朔去
修門凡四千里物中地大壤沃泉井臣始入疆告厥
父老上不忘遠翕然惟呼海若祝融彈壓波濤之險
朔雲邊雪驅除江嶺之氛暨于幽遐罔弗嘉靖臣以
使事官于海邦煥乎榮光展也徼福茲蓋伏遇
皇帝陛下丕釐駿命恬冒匪生日月宣精照朔南而
不隔乾坤有造均雨露以無偏曾是薄材俾將隆指
臣敢不輯寧凋瘵拔去姦貪出納有司豈但欲委積

茗醴之滋殖澄清當路庶几使豺狼狐之一空

謝除直祕閣表

在疾餘生延及外祿之制拜嘉先命有聯中祕之班
曷云枯槁之蹤曾是深嚴之夢寵榮所被祇懼靡寧
臣中謝伏念臣無世用之才有負俗之累不足以了
事其拙宜然成或出於因人何力之有頃播刑於百
粵偶奔命於羣蠻奉天威而有行繫廟筭之是稟遂
令醜類罔不殄殲矧師臣輩湘指縱之謀抑將臣張
喜現獲之力景風若借汗雨其滂雲近蓬萊遙集西
崑之羣玉霧浮金象仰窺東壁之三星施則不嘗受

之何說茲蓋伏遇

皇帝陛下其仁天若乃武雷行

清渤澥之波瀾于誰奸命賣潢地之刀劍奚足論功
曾不遐遣式昭遠馭臣敢不丕承天寵允答帝暉包
以席皮雖則干戈之偃裏之馬草無忘肝腦之捐

知筠州謝到任表

需章旬外退以其私便郡疏恩過於自擇地與期而
俱近感及喜以來并不勞載驅已抵所治臣某中謝
伏念臣奉問將落行能無稱爰居川現施諸時而莫
可草耕木茹願其外以奚為際熙運之休明彙群才
而登進再收遠跡誕寘周行念父教之忠云既勞而

後食然身其餘幾凡如未老而先衰兒女滿前婚嫁未
畢方抒情而地躋忽從歎以天矜海上仙山隔蓬萊
於弱水江西道院製菡萏於劍池仰惟君父之恩何
有中外之間茲蓋復遇 皇帝陛下立心成五佯德
三疇若予厚下之仁怙冒率土曰咨汝宅生之吏惠
鮮小民無愛珪符下逮樗櫟臣敢不祗若德意宏敷
詔條令修庭戶之間所先豈弟民和隴畝之上茲謂
荅楊

賀 紹熙皇帝登極表

帝出乎震雷動風從龍飛在天雲行雨施乾坤再闢

日月重光臣其中賀竊以王纘帝 纘皇相承自昔
堯授舜 授禹復見于今聚三圣於一家冠百王而
獨步恭惟 皇帝陛下聰文作睿統運集躬育德東
明元良正于万国維離南面大人照于四方歷選右
知疇若我宋蔚後先其相望凜揖遜以弥高文祖文
孫釐紹興之景命是父是子受乾道之丕基天人交
歸年世方永臣近辭儲隸遠守侯藩鸞鳳冲霄風欣
攀附之久鴻鵠橫海敢言調護之勤

賀 壽皇聖帝傳位表

立愛惟親結恋東朝之養傳歸於子辭尊南面之居

玉音渙揚鼎象安妥臣其中賀恭惟 至尊壽皇丕
帝陛下循堯乃丕命禹厥中謂天下解憂未若綵衣
之戲俾壽母燕喜遂輕黃屋之心當崑崙渤海之太
寧釋璿玑玉衡之庶政親絜神器付畀嗣君王假一
家世授三丕珍臺閣儲思大安之清穆夕膳晨羞
允恭長樂之定省抱繫創見結繩未聞臣身遠帝暉
心藏天頌五十而慕更加大命舜之年八千為春願
效華封之祝

賀

至尊壽皇聖帝受尊號表

為天子之久尊之至以何加得大德之名道之高而

無象發于嗣丕酌彼民言臣其中賀竊以商云甚武
之王固非自伐漢曰太平之帝孰以為宜雖丕愚之
不侔豈稱謂之母我恭惟 至尊壽皇丕帝陛下視
古無遜與天為徒夏清冬溫歆躬曾閔事母之敬朝
政夕令遂託堯命舜倦勤之辭既晚履以甚輕視鴻
號而不屑然壽為五福之首而丕則万善之元二者
何先兼此而有際鍾白玉宜冠以至尊之稱日射黃
金更勝以重華之目於赫鉅麗用光前聞臣身當遐
方目擊盛事有虞二典未必如今日之兼隆作宋一
經願可料諸儒之乏使

賀 皇帝奉上 壽皇 壽成尊號表

御天有倣首勤万乘之尊熙號維新丕顯二親之懿
書厥爰敬通于神明臣其中賀恭惟 皇帝陛下丕
德無加皇猷允塞乃命以位方當_系統接緒之初歆
報之恩有在侍膳向安之外踐熙春之和暢奉天冊
之烈光有父之尊有母之親用欽崇於嘉慶謂天蓋
高謂地蓋厚極擬謏於鴻名掩竹帛之所書巨開闢
而未睹三宮相望万福攸同臣屬以守符邈在外服
振鷺于下雅莫綴在廷之班倉唐鳴春或能詠太平
之盛

賀 紹熙 皇帝冊立 皇后表

歷服初元天臨諸夏家邦內助冊邦長秋慶先宮闈
驩浹寰宇臣其中賀竊以乾健坤順一氣密運於二
儀日光月明萬物仰瞻於兩曜惟帝及后若陽与陰
美教則人倫明正家而天下定恭惟 皇帝陛下修
己以敬化民以躬王業艱難念久同於勞佚慈親定
省復多歷於晨昏既六龍之御天宜四星之正位表
儀中禁憍載函生惟內有睢閔鵲巢之風則外有無
逸立政之治臣名在儲隸迹非遠臣恭儉服澣濯之
衣已相覩而身履夙夜有警戒之道豈小補於君尊

賀壽皇立紹熙 皇后表

大君有命履屬元子而宅中同令而言諉冢婦而治
內正始周密詒謀深長臣中賀恭惟 至尊壽皇至
帝陛下至誠如神游心於淡謂養以天下何如釋位
以事親而對於嗣君自有同德而作合付以國家夫
何願憂長發其祥不顯之世臣珪符有守現闕惟懷
望穆之清光遠而無極奉欣之喜色樂且有儀

嘉定元年春三月男

長孺 編定

端平元年夏五月門人羅

茂良 校正

誠齋集卷第四十六

誠齋集卷第四十七

廬陵楊 萬里

廷秀

表

謝復直祕閣表

守地云何葭外庸之善狀自天有隕復中秘之榮名
敢云旧物之及躬况出新君之加惠臣中謝伏念臣
少也猶介老而頓頑非不知与世而同波明招無忤
既未能枉道以合轍退休則宜詭氏社以西征寢山
林之幽屏圣人復起品物咸亨履載无私豈独軫遺
簪之旧日月所照亦何有覆盆之偏兹盖伏遇 皇

帝陛下始初清明德澤洋溢十行一札雷厲風飛四海九州陽開陰閉展如孤遠与被昭蘇臣敢不御戢寵光策磨衰病假以歲月畢輸宣布之勤歸于丘園於樂隆平之化

謝宮寮轉西官表

御天介賚已增一秩之優儲肆廣恩亟拜兩階之寵邦榮狎至心震靡寧中謝伏念臣生而一官仕亦三已晚際乾坤之真主獲依日月之末光當高鴻橫海之秋臣幸陪于羽翼及飛九在天之旦臣自隔于風雲夫何皇極之尊尚記承華之旧翦焉孤介初此榮

懷冒之則無翊運之勲遜之則為異衆之行曹衛偕命既並受于王明黃綺終舛敢獨為于君子茲蓋伏遇 皇帝陛下唯天為大如日之升鳳已冲霄未弭志攀附之雅蛇斯入宇不遐棄賤微之疇臣敢不載丹乃心益素其履維夕曛已迫寢收耕釣之餘生然朝露未光不疾糜損之義死

進和 御製進士復詩狀表

鈞天廣樂秩有踐之初筵雲漢為章賁思皇之多士湛恩互渥隆札惟新臣中謝恭惟 皇上陛下樂育英才旁招俊乂君子有酒多且旨間以笙鏞聖人之

言遠如天馮之琬琰情文馥止懷感萬斯臣等典校
簡編均霑慈惠慶霄在上與彼昭回之光儒館獻歌
敬修庸載之職

謝 御寶封回自劾狀表

需章再清力請視矜之官聖筆游頌俾安典校之職
歸然恩重沓若滂零臣其中謝伏念臣行能空虛經
術淺薄山戒浦味未矧華國之文蟹躁螳剛烏識立
朝之體屬緣撰述之拙自列授初之辭蒙天日之龍
光渙雷風而響答惟君父待小臣之禮前此所無舉
縉紳皆拭目而現盛時劇見誰謂寒朽所能克堪茲

蓋伏遇 皇帝陛下乾覆博臨離明洞照憐臣老而
幸會親逢賓日之清明知臣野而朴忠未听客星之
漁釣臣迫於威命恪所居官危跡難安少緩東門之
車馬踰時申控終采南山之蕨薇

江東運副謝到任表

依日瀛洲訖無補報覩風江渚遠有光華駭超七閣
之先境入六朝之勝麗洪所被繇薄何堪臣其中謝
伏念臣資未有奇學亦寡要蚤粗聞于先哲恥墮在
于凡民學之而欲稱之每懷狗国老矣無能為矣非
曰忘君屬縵婚嫁之逼人輒控封章而丐外自天從

欲將指于征爰陞華于小龍俾給餉于流馬募金浮
壁仰淳化之室書炊玉連檣下陪京之水漕茲蓋伏
遇 皇帝陛下丕承舜授廣運禹思居九重之靚深
所憂民瘼擇十道之採訪以布寬條夫何衰遲亦在
高遠道臣敢不慰彼黎庶周爰咨諏九郡旱乾要令鴻
鴈之集百吏清濁當謹羊狼之分既竭歲時之宣勞
終祈田里之歸老

辭免贛州得祠進或謝表

謝病摧顏尚賦珍台之餼屬文論譔復超延閣之班
上無棄人下則徼福臣中謝伏念臣老不事才非

奇三至旁招蚤陞鷺廷之數初潛豫附晚參鶴禁
之僚方衆賢依乘風雲之秋乃微臣僵卧山林之日
把麾江海此朝士之榮光麗日崆峒亦詩人之佳郡
矧席過家之寵曾徼待次之淹夫何有臂之偏枯虛
辱左符之重寄陳力就列不能者止投閑置散乃分
之宜籲天以聞伏地以俟閔勞均佚仁不遐遺進律
示褒禮亦異數茲蓋伏遇 皇帝陛下篤叙故旧惠
茲罷癘軫少原之遺簪是將厚倍存子方之老馬非
取長塗而臣蕭然卧疴行矣歸盡燭青藜而談古豈
復與英俊游立白茅而祝釐尚能使圣人壽

謝除特授煥章閣待制表

竹宮望祭游綴奉宣之司松殿通班漫塵持索之選
走循牆而莫避進退維谷以遑寧載仁不貲感涕有涓
臣中謝恭以高皇之淵懿煥乎克帝之文章森天上
之室書度露下之玉宇河洛浮出太極是生于西儀
雲漢昭回垂光下餘于万物以对有列非矣不居如
臣者少而才疎老以病去逢至明之求日亟號召以
拔淹頽以有采薪之憂遂違不俟駕之禮逃刑已幸
即拜更優以歸守東岡之陂扁舟載月忽夢入西清
之序榮光屬天茲蓋伏遇 皇帝陛下至者通神仁

恩思翊物念吾父有所愛之犬而况于人謂微臣如遣
野之蛇未旌其隱曾是正元之朝士得見會昌之新
春告厥臣工昭其德意臣敢不吉蠲若房顯相必齊
仰瞻奎壁之芒寒俯嚴香火之尊奉弱水三万恍親
銀閣之雲大椿八千祝為黃屋之壽臣無任感天荷
至激切屏營之至

賀郊祀大礼赦書表

惟皇作極礼再奉于明裡見帝于郊躬入觚之肇祀
備成熙事敷錫庶民臣其中謝竊以儲精穆然斯格
神明之感有孚顯若乃來郊廟之驪偉上至之勃興

赫稜容之赫鏢乘觀臺之日至于款春時以星陳嘉
荐令芳中樂融冶乾端呈露月穆以金波神求宴
娛灵裔其風馬一人慶賴百昭明恭惟 皇帝陛下
下德年往初恩被動植克綏先王之祿祀以配天故
得万国之心告于后帝均受釐之万壽式歸胙于三
宮臣老矣山林邈焉天日奉璋左右有慙薪樵之詩
銷玉激揚願上休成之頌

謝郊祀大礼進封開國子食邑表

帝望竹宮慶侈兩圭之祀子執穀璧恩陞五玉之班
仰在上以高俯臨深而戰臣中謝竊以輝炮翟

闡之界匪勞不讐公侯伯子之封可輕以假而臣老
歸粟里病卧漳濱逢天子親郊之初隔諸侯助祭之
後邊豆維旅願何力于駿奔土田附庸乃不均而下
拜茲蓋伏遇 皇帝陛下唯天為大如日之升受命
穆清倣載欽柴之燎湛恩汪濊薄將枯木之榮臣謝
生不貲矢死無賈歸美振上願賡小雅之章助順自
天永祈大有之吉

謝致仕轉通議大夫除宝文閣待制表

請老而瀆再三始蒙制可增秩而職四等重拜恩隆
敬圖暮景之桑榆倍費慶霄之雨露臣中謝伏以漢

歸疏傳蒞聞及嗣之文唐遺孔戔且乏苗資之養未
有國朝之仁惠曲全臣子之行藏自祖宗而相傳至
明聖而弥篤如臣淺陋首被寵洪年已至而呼天數
斯瀆矣王苗行而曠日久而所之若不得已而乃從
且不無及其加厚豈惟老馬之罔棄復見許辱而後
行陟以文階之優進以寶儲之峻雖卧野水白鷗之
草未離春風玉笋之班大隱而乃隱于朝廷在外而
如在于王室一命再命三命身及子以俱榮大書特
書屢書言如綸而下飾油雲朝沛落木秋萌茲蓋伏
遇 皇帝陛下所性乾坤之仁斯心父母之愛念士

之砥節也在進退不使其虧而上之待下也有始終
必遇其願遂假三錫以張四維臣餘生幾何大德不
振歌頌盛業媿非瓊宋玉之才壽富多男惟有万堯
年之祝

謝明堂大祀進封開國伯食邑表

惟皇有慶奉瑄玉于合宣宮曰叟何功執躬去而啟
三加厚矣重拜榮如臣中謝伏念臣已致為臣枕進
以律蓋以孝理天下者不遺于小國而有事于上帝
者或及于配林奄有龜蒙荒魯僖之錫玉蓋以叩殿
覲晏子之辭封大德溥溥以如天小心進退而維谷

茲蓋伏遇 皇帝陛下精禋燹載根本祖宗祀乎明
堂以教諸侯之孝光于四海故得万国之驩惠此翟
閣燕及愆迓臣敢不礪乃末路慨然永懷臣三千人
同一心而振上伯七十里誓九死以于蕃

謝除宝謨閣直學士表

聖謨新閣森天上之宝書法逆崇班綴西清之學士
墮慶霄之異教賁山澗之遠臣戴恩不貲罔報無所
臣中謝恭以光皇之立極煥乎丕訓之詒謀曰都曰
俞禹無間矣有典有則宋其具乎屹璇題之造天乾
坤闔闔藏金匱而鏤玉雲漢昭回蓋簡英奇以司文

獻如臣者孱焉將落老矣無能分甘痼疾于煙霞敢
夢末光于日月 楓林楚水久遠長樂之鍾聲銀闕金
宮忽近瀛洲之雲氣茲蓋伏遇 皇帝陛下慕親如
舜對食見堯謂臣在昭考之廷嘗陪鴻鵠之羽翼俾
臣聯柱史之職盡獲龜龍之圖書而臣歷事四朝獲
開寸効媿彼十八仙之盛以文辭鳴惟茲三萬歲之
呼使聖人壽

謝賜衣帶表

瀛洲方丈驚頭白以初登內帛宮衣偕腰黃而並受
迺九重之異數非八柄之彞章自天有來濬地而偃

臣其中謝茲蓋伏遇 皇帝陛下典嚴在筭惠篤荐
紳軫伸由之温袍錫之三服惻啟期之帶索束以兼
金而臣感恩不贊罔報無所葭然絲薄多慚疊雪之
香茶尔摧顏第怯万釘之室

謝郊祀大礼進封庐陵郡侯加食邑表

觚壇饗帝莫助霄衣之勒梓里建侯惠徼畫繡之寵
家有即拜巷無居人咸謂煙波之釣徒亦錫山川而
啟宇臣其中謝竊以士伯之賞瓜衍地豈故鄉買臣
之守會稽位非列爵小臣何者異教蕪之茲蓋伏遇
皇帝陛下具礼從周由仁蹈舜郊祀天地式尊祖而

敬宗声教朔南傳行慶而施惠而臣功無橫草恩而
分茅執以信圭誦三復斯言之玷佩之侯印肩万邦
維屏之忠

謝以長男孺官係陞朝該遇郊祀大礼封

叙通奉大夫表

白鳥九子天矜反哺之情丹鳳十行雨施流根之澤
永錫尔類以及其親臣其中謝竊以神祖建官元豐
改_實限制有若右光祿之秩賀_實視小司寇之聯非者績而
異恩豈僭賞而虛授如且_臣所履久挂其冠巢由外臣
不在翟閭之教堯舜待德尚同仁壽之民赫然龍光

飾是驚蹇茲蓋伏遇 皇帝陛下孝通義載恩被肖
翹謂能仕而教之忠子承父訓故率親則等而上人
欲天從而臣月雲為家漁樵爭席三春寸草莫報青
陽之暉億載万年永祿黃屋之壽

謝除宝謨閣李士表

臣某言昨具狀奏乞免召命正月十五日伏準去年
十二月十五日奉 圣旨依所乞除宝謨閣李士臣
尋具辭免伏蒙 圣恩頒降詔書賜臣不允仍準告
授臣宝謨閣李士通奉大夫致仕臣已于三月二十
九日望闕謝恩抵授訖者績無可考進新職以為真

禮過乎優更于家而即拜民之多幸人謂斯何臣某
中謝竊惟李士之名首出從班之右非星辰所履旧
入長于六卿則雲漢為章以代言于刃禁望實其美
朝野乃孚如臣者少也慙愚老而灾疾六十六而解
組夢隔日邊七十四而掛冠蹟荒霞外夫何下澤之
叟遽躡登瀛之仙花底玉堂月伴桃源之棹雲間銀
闕風恬蓬渚之舟覆載無私豚魚共信茲蓋伏遇
皇帝陛下天仁老、圣澤渊、文獵渭濱上誤熊羆
之繇漢招商嶺何禪鴻鵠之歌祇辱詳延不称明詔
臣被恩汪濊次骨榮懷擬周易八卦辭俯慙家李

同天皇九、萬歲仰祝帝齡臣無任感天荷聖激切
屏營之至謹奉表稱謝以聞

除寶謨閣李士謝賜衣帶鞍馬表

宮衣疊雪帶分室以垂金天旆垂龍鞍被銀而歎玉
一之謂甚四者難并拜君賜之便蕃媿恩榮而瑟縮
臣中謝伏念臣奮身徒步抱膝一寒何四年俛仰之
間被再錫服乘之寵裂荷製芟初驚齊服之華破帽
蹇馿未識宛駒之駿茲蓋伏遇 皇帝陛下衣被万
物駕馭群材察臣罷駑皮連霜而遠放念臣藍縷頭
戴笠而苦吟萃此衆珍賁于一叟臣敢不服之無數

喜以長鳴安吉新衣脫儒酸于陋巷鼓推緩轡歌帝
力于康衢

遺表

臣某言日華雖繁方翳入于崦嵫霞痼弗瘳忽溘先
于溝壑頃更忍死冥漠長辭臣某誠哀誠戀頓首
稽首伏念臣資也撲忠孝焉狂狷少有聞于師友直
道而行長無心于功名得時則駕印賜第于高廟受
深知于孝宗光皇羽翼之不遺其如疾疢至主弓旌
之屢及俾玷論恩臨其將終賁以今召遂視星辰之
履預加惟蓋之恩平生所蒙晚歲弥寵而臣永漸以

尽器覆于盈氣息奄、已咫尺于黄壤精神眇、犹
奔騰于赤霄徒深慕恋之誠莫効糜捐之振伏願
皇帝陛下聰明神武剛健正中乾清坤夷暨声教于
四海天長地久為父母于万年臣無復再瞻于槐宸
自此永沉于萬里萬潜然出涕仰止敷詞臣無任攀恋
永訣之至

嘉定元年春三月男

長孺

編定

端平元年夏五月門人羅

茂良

校正

誠齋集卷第四十七終

誠齋集卷第四十八

廬陵楊 萬里

廷秀

箋

代賀 皇太子牋

恭審对越帝暉宅于儲嫡行一而得三善適駿元良
之声重明以照四方丕承中正之吉恭惟 皇太子
殿下系隆禹子右序湯孫和惠通于神明仁孝聞于
天下久問龍樓之寢肇新銀榜之宮漢家雜霸之言
是将奚取老氏養性之福以次有陳其綴以司存阻
于班賀山暉海潤方觀樂舞之新秋實春華何俟賓

僚之助

代賀 皇太子冬節箋

土圭景至有融重日之光葭琯氣浮不應一陽之復
宜昂來于祉福以鍾美于元良恭惟 皇太子殿下
仁孝日躋溫文天粹東序舞籥詠禮樂之緝熙西序
尚賢挹詩箴之傲戒做臨華始翕受邦休其靡以攸
司隔于祿慶仰惟子戡欽承二圣之歡樂只時和奉
上萬年之壽

賀 皇太子冬節箋

日在北陸占景至之重光帝幄中坛均休成于亞猷

兼此疊雙之祉集于明兩之暉其中賀恭惟 皇太

子殿下天縱狗脊月將季問裏對暢生之復遵近邦

慶之崇出則執圭贊多儀于五疇時入而奉玉介万壽

于兩宮諸福之祥如川方至其請惟謏聞虞侍末光
詔冬讀而典書何裨周序銘日新而進德願誦湯盤

賀 皇太子年節箋

頌栢葉于王正有開震治奉玉卮于慈禁式介壽祺
肇允非長之元斐迪麗明之吉恭惟 皇太子殿下
在躬宣獻立愛如春當猷歲之始和慶東朝之八帙
堯年舜壽驩同二圣之重禹子湯孫見過三天之一

稽諸在載籍曠不前聞某自媿庸虛叨陪虞侍東風
解凍莫窺少海之兩涯春日載陽徒仰重輪之五色

謝 皇太子頒賜誠齋二字牋

玉宇寶書賜一瓊之白壁椽籬茅棟騰千丈之瑞光
自媿野人恭承嘉惠其中謝茲蓋伏遇 皇太子殿
下季閔百冬天縱多能于_兩宮閔寢之餘傳二冬揮
毫之秘龍跳虎卧得精妙于太皇霧結雲霏憲昭回
於今上某敢不刻之琬琰垂厥子孫袖有驪珠函山
川之輝媚家無儋石藏星斗之文章

謝 皇太子令侍宴崇觀堂箋

宣猷清宴陳有踐之多儀陋巷懼儒際不貲之榮遇
仰承隆施俯極中歲某等中謝茲蓋伏遇 皇太子
殿下生而_聰睿_聰哲_聰緝以問學春在宮之賓贊久服采于
先後秩鶴禁之初筵集鳳莊之邃宇花迎_偏劍佩鶯避
傳呼賦橫枝却月之詩灑渴驥奔泉之字畫滿_偏稀簡
包_色辭晏濕至于酒肴之旨且多箱篚以將其厚香羅
疊雪織天上之七葉醉梳揮金出_畢繁餘之三品自朝
至暮不醉無歸某等自視_畢歛然一寒如此瓊樓元圃
悅驚奇麗之觀黃卷青編願研覃之助

賀 皇太子冬節箋

珠連璧合聚七曜于園穹泉動芸生復一陽于亞歲
宜函蒙于多祐用詒燕于元良中賀恭惟 皇太子
殿下作式儀辰承規景敷淵冲玉裕仰進德之日新
海潤山輝格產祥之川至对于穀旦集厥闕休其自
視抱虛叨塵奉秩待陰陽之定願陳呂令齋戒之辭
見天地之心請玩羲文未復之理

賀 皇太子年節箋

春日載陽臨泰亨之肇序盛德在本表震治之承天

欽時休嘉用集中裕中賀恭惟 皇太子殿下英姿

天縱與學日新繼明必照四方紹休二聖之緒元良

以正万国卜年百世之長猷歲在辰洪禧有衍其叨
塵儲隸虞侍老耒光栢葉椒花竊鄙辭人之頌山輝
海潤願陳雅樂之章

賀 壽聖皇太后箋

重華慕親決至謨而南子慈福就養慶天統之立孫
命與惟新尊其有極臣其中賀恭惟 壽聖皇太后
殿下象月臨照法坤靜專仰太一之常居密移躔度
近思齊之京室親執清溫有衍万年之壽臧永膺二
帝之虞侍臣屬分符竹遠在江湖銀闕金宮望蓬萊
之雲氣楓林楚水隔長樂之鍾聲

賀 壽成皇后箋

乃聖養親后丕承于厥志自天与子母克相于其猷
俯仰相輝清寧咸若臣其中賀恭惟 壽成皇后殿
下懿恭有煇持載無疆釐降媯汭之濱欽于虞舜嗣
徽京室之婦媚于太任躬慈福之婦功佐重華之子
戢三宮齊全壽維祺臣屬以守符遠在外服周 盧
千列莫陪班綴之趨嵩嶽三呼不勝頌禱之極

賀 皇后箋

壽皇恋母之誠遜于元子嗣聖稟親之命宅乃當柏陽
慶繇宗祧福益寰宇恭惟 皇后殿下稟資淵懿

德靜方腸谷昇輝初得天而臨照望舒載肅實助日
之光明德南之齊祺無艾有臣旧塵家令新覲邦榮帝
嘯龍興敢作依棗風雲之想鸞飛魚躍幸居鼓舞造
化之中

賀 壽成皇后箋

萬乘來朝鋪洪休而於鏢二親受祉發嘉號以攸同
邦家榮怀動植奮豫臣其中賀恭惟 壽成皇后殿
下發祥涓涓媯德河洲贊壽聖皇之燕謀抵龜而决勝
聖子之凝命定昂于中宜勒崇而垂鴻以婦美而報
上必得其壽娥暨舜以匹休適覲厥成如与文而均

福天地相似日月並明臣拘以守符遠在外服于宮
雲片莫陪鴛鴦之充庭萬歲山呼不勝燕雀之賀厦

賀 壽 聖 皇 后 太 箋

聖子神孫母相傳于天^大室壽皇成后福並受于鴻名
仰惟慈極之尊對越在宮之慶臣其中賀恭惟 壽
聖皇太后殿下肇修內治同濟中興如月之常久照
東朝之敷緝布天齊壽長瞻南極之一星現子以婦
之榮光集老幼之虞侍冠三宮于霄漢之上
備万福于書契之前臣嬰以珪符隔于軒陛天顏有
喜豈云將母之不遑地勢無疆更祝歷年之多所

賀 皇 后 箋

一人必有所尊以言其慶万物不足以振莫重鴻名
典章焜煌声溥博臣其中賀恭惟 皇后陛下柔儀
載穆淑問有孚始初清明躬行子職之恪晨昏定省
日勤婦道之供從玉車于東朝奉宝于南極錫福而
得其壽二親攸同作聖而現厥成一字盡美庭闈慶類
海寓榮怀臣不意週年親逢盛際金銀宮闈咸仰五
雲之靚深珠玉山淵幸同万物之輝潤

賀 皇 后 受 冊 箋

壽皇作書自天有命聖主立后每月合明慶發宮

闡化行海寓臣其中賀恭惟 皇后殿下令儀淵觀懿
行柔嘉夙佐青宮久問龍樓之寢同升紫極之是宜象
服之尊荷萊參差蘭林發越佩環鳴玉既啓夜未央
之勤筭總衣紳更陪暮又至之敬臣日塵儲隸欣覩
邦榮仰乾緯之四星光華首出占坤爻之五位元吉
在中

賀 壽 聖 皇 太 后 箋

外屏初臨中宮乃建是為甫田之孫婦益廣進饘之
供仰事思齊之祖姑用介含飴之樂臣其中賀恭惟
壽 聖 皇 太 后 殿 下 道 侔 坤 厚 壽 與 天 長 見 堯 舜 禹 之

丕承世傳斯道若姜任姒之並處家嗣徽音三宮相
輝 萬 福 方 永 臣 屬 嬰 符 竹 邈 在 江 湖 雅 意 本 朝 敢 作
班庭之想乃心王室實勞賀履之悰

賀 壽 成 皇 后 箴

聖、相授本再造而繼承婦、克諧祇重慶之溫清
椒壁有煥蘭駘載欣臣其中賀恭惟 壽成皇后殿
下德婉帝尊躬嚴家禴化天下以婦道媚于慈闈正
朝之廷人倫式是中禁仰奉含飴之樂俯膺佩悅之
怡于萬斯年既多受祉臣屬分符竹邈在江湖衆里
之环北辰遙瞻象緯一日而仰三后南被化光

嘉定元年春三月男 長孺 編定
端平元年夏五月門人羅茂良 校正

誠齋集卷第四十八終

誠齋集卷第四十九

廬陵楊 萬里

廷秀

啓

賀 周子充察院

恭審緣綫緜錫命白簡察廉本：洽聞久鬱行祕書之
望行：且止頓高真御史之風一臺得人群目跋視恭
惟其官絕俗以立于獨追古而前之齊揭日月而
行名昭垂而旁達引星辰而上文迥映以芒寒壯年
自致于雲霄妙手連收于科目時須士重天豈賢遺
然冊府淹留閱刃周而未徙惟震震裏洞照度衆雋以

超廷伸于久屈之中詭以盡言之地士之未用志亦甚高環而顧天下之無人為之太息及乎受主知于當世竟以無聞衆皆艷于公榮愚独知其任重任備者四面而畢至過時則多悔而弗追它人處之假以作仕塗之嵩少矣者得此定知為群枉之鷹鷂欲重千載之芬香爭覩一幸之奇絕仄俟陰春擢專中司其辱在御鄰最蒙愛遇少而取所棄之竹馬自以不如今也望之似于木鷄居于失旦仰英游而刃_兩別讀除_目日以霜凝已分飄零敢作綈袍之想未忘雅素或尋敗_襖換之盟

賀永守沈侍郎德和啟

湖山悠遠何至頓天子之逆臣水石驩迎今乃得主盟之詞伯惟雅度而忘于出處而為邦一視于途遐斯民承師旅飢饉之餘適求少憇明公挾經濟惠康之具沆可小施恭惟某官所養要以佐時其文出于餘力兩科之名若日月不以自多壯歲而身致雲霄蓋非所欲綸省發帝之令天官除吏之精盤語四方衡尺諸彥是皆雋甚孰不聳然况奉朝阿匱之秋莫悟黜庸包藏之計一_賢矣孤憤九拜極言記忌諱以直前旁觀喪膽吐忠嘉而徑去曾不顧身一日掩漢廷

之公卿群出憚汲直之節義維言本憂國豈願得鯁
亮之聲然士知嚮方遂事^爭先^名之季其于扶世厥有
大功正恐未蕃宣之間又將見奮然^熙之拜某愚而
好古拙以居今倍物范：若為道合此心炯：端向
誰開欵符竹之肇分撫庭松而獨喜亦豈有敲金擊
石之技以俟眷知庶幾作集鳥跳魚之詩載歌尤異

賀王宣子舍人知吉州啟

恭審得親修門拜州江介又屈雲霄之步何足為君
子而喜之独念父母之邦今乃得大夫之賢者况以
故吏而為新民出處不高于二天眷知雅辱于一日

則其距躍顧不切深恭惟某官北斗璇魁左螭法從
人謂非久而大用歎其不可及之年公乃特立而徑
行恥為母甚高之論既弗詭遇力求外庸甫解龜于
湘流復分虎于螺浦除書布出遣老驩呼知鯁生舊
出于門闌皆寄聲問訊于治狀雖媿周昌之吃口不能
言為賦少陵之詩眼^眼未見春首尾之親炙剽^有聲光而
屬饜若循吏傳之所書身講德論也所頌昔聞其語
今在斯人至于不察而秋毫分匪怒而刻未^木畏陳
而訟^帶渙若漸流碎饒師了無筭錄聞者頓歌于來
慕翹然願見以爭先然無疾其驅士方惜陸君之去

而最宜為誥帝且思王某之文正恐未開府之間即
有不俟駕之召某終更不遠夢寐焉依問柳野亭敢
望占星于霧裏看冊草閣行觀立馬于花邊

回施少才謝漕司發解第一名啓

文之勅者不應無以異于人卒以裒然抑或足以當
其價繫外臺之論秀任一路之拔尤私憂無壞奇傑出
之英以塞屬望竟得此簡古天成之作更益光華于
聲價實久矣神交一旦得見于儀形驩為心契莫知
恭惟某官詞則油然而幽氣則浩乎其沛平生所聞
筆陣之合謬与堵牆之觀過眼而迷豈日賦之不別

重竿而釣果查頭之至前幸竊藉手以見諸公將貴
祇而誇列郡能未忘于私謝知貪得于大篇方當新
天子太息願治之初敷求剴切行上子大夫恣意正
儀之對願畢忠精側听第一之胪式快少獲之望其
于感頌難以歷陳

回黃監庫謝解

說經之宏以律得臣每寓目焉論秀之抑以揚士燮
有何力也蔚儀觀之独煇執礼文之更優私謝有司
要是忠愛之誼朗詠俊語端令寒陋之華恭惟某官
志不人隨李惟古是由典謨以放乎誓蓋豈全書脫

訓故以詣其微詎非遠識得人幸甚詢衆曰然屈元
禮之班庸何軒輊于鵬背上晁董之对立見句傳于
鰲頭感銘滋多揆叙猶未

代何運使德猷賀史恭政啟

恭審疇咨國勲參秉机政光堯之託以子不待致商
山之老人嗣皇之選于朝無以易甘盤之旧季望重
故人不以為驟功高故位必極其酬凜然風生聞者
心服恭惟某官所奉純乎仁義其躬蹈乎直方儲禁
詳延天独以忠矣而遺上英游莫並世固知台宰之
屬公豈非以其承華之燕閒蓋嘗深竭細旃之密勿

沃心以堯舜之道正色若臯伊之倫治原後先人物
良窳厚下足國訓兵管戎其在初九之潛已定畫之
講清風發而日出應龍翔而雲從不崇朝徧而禁之
華乃期月贊万微之務天之欲平治也時則可為季
馬而後臣之政將焉往疇登額面永相昌暉某綴以
司存隔于賀列拊身幸會已居廟堂覆燾之中屈指
太平當在樽俎笑談之頃

代福建何提刑南汪福州圣錫啟

伏以戎閩関于安危端求礼樂詩書之帥帝心為之
憂願特輟言語侍從之臣擁高牙大纛之多為上冢

過家之寵光映行露氣回先春公方自駕行而鼎來
我亦持虎節而繼至以平生想見其風采殆不知年
乃今日協同于寅恭若有所相恭惟某官正心誠意
之孝尊主庇民之謨奏篇冕旒率居諸老之右致位
簪橐已歎十年之遲蓋其特立而独行宜其自重而
難合既陟禁近果屹然而不隨發為論思皆凜乎其
可仰又厭承明之直來作諸侯之師將尽行六籍之
言以散作百城之福顧一方之幸甚如四海之望何
弼諧之須朝夕以冀其問塗無几望履不遐居子為
邦故應懋甘棠而無訟有司布憲當亦閣丹筆以蒙

成

賀張丞相判建康啟

恭審 制詔書德藩宣陪京留丞相于閩中深寄本
根之重用真儒于天下大和朝野之瞻恭惟某官李
術函三道原貫一得仁者之靜應群動而不窮參化
育之誠听万物之自遂補天而莫見其妙洗日而不
言其功碩德俗何負于敏中乃元積積自憎于裴度憂
以王室居江湖而未忘樂乎常編去洙泗而無間文
仰傳岩之雨天開衡嶽之雲帝亟召之已恨不早公
其來止勿徐其驅姑煩東土之保釐暫倚北門之卧

護乾旋坤轉方冊用夏以變夷風揮日舒要整而經
式仰惟勲德之元老素定國家之遠謀諸將震于威
名百蠻問其容貌正賴指縱乞成廓清安石其如蒼
生何已快老成之起司馬復相中國矣竚觀書贊之
新其自賀荒涼恭承教載文席之侍玉振每得而聞
尺書之論金滕今近乎識

謝張丞相薦舉啟

上既起公將屬之大事公初薦士宜簡于異能何誤
及于羈單振雅不緣于造請衆歆豔已則惧恩竊以
士有常言每病于時之無遇古之炯戒又歎知人之

甚難且入門下之旁招前此人材之豈少不負所舉
于今几何賣知己以進身居之罔怍或自毀節以求
合穢不忍聞謂懲羹而吹壘听懸榻之挂壁而大
丞相好美之誠意終不少哀視小大夫敗類之深情
付一之莞惟忠義專圖于報國凡荐廷本務于滅私
觀得其真以裨于治如某者自知已審用世則迂仰
止前修非無願孝之志歛然朽質未有日新之功故
其在翹材之中最號為烈士之下庶凡受教于以反
躬敢崇蠟言晞售玉表為老聃之役亦既數年于相
國之恩了無半語此其所嚮夫豈自它蓋身在于洪

鈞何憂不達恐名浮于實行以累所知頃于取別之
辰示以兼收之諾迨衮衣之再煥果荐塵之先施至
若一字之褒奚啻三倍之價才為用昔人所以解事
物之盤根識以取才君子所以為正邪之止水兼其
才識昭以文辭在名流遊席而莫寧當諛聞披襟而
拜辱讀炳蔚敏明之譽知庸虛稱塞之難茲蓋伏遇
某官道隆帝者之師身任聖人之耦天以一老復祖
宗之太平相維凡人留功業于今日世方拭目心佇
告廷式春湘中之士夫曾依墻仞之訓誨刻公車之
奏奉之僅及于四三在零陵之邦得者乃踰于十

半惟是行也愚實在焉凡此同挂于品題已入異時
之塊北誰不望賜以為至榮其敢不請事贈言深藏
嘉惠豈有毫髮可補振于惠光不辱門闌獨保全于
名節

賀張魏公少傅宣撫啟

恭審召升亞傅命撫征師 太上皇非不知耆德之
深留遺 嗣圣 新天子欲盡復中原之旧首擢我
公於皇彼天將降是任必有所試使大其成彰之于
大夫破斧之時凜其不折故之于族庖更刃之後用
則無前厥惟相之夫豈人只恭惟某官道德之温如

玉忠蒙之明于霜扶炎祚而置諸安皆本其力遭謨
邪之壅于上益增其光一飯不忘于君尊四海惟
愁于公老今而復起時正可為仰涵養之素優諒規
摹之先定辨幕孰智齋垣孰才形勝于何而居疆敵
情若為而得實虜之殄滅必有日國之恢復必有期
得一轉以在軍中倚而須慶曆之捷捲三秦而取天
下當不使漢高之淹然後布大冊之焜煌冠維師之
崇極歸相興運納民隆平某于役載奔置郵以告喜
不能語豈特以知已知進為羨動于心端復為本朝
而欣賀

賀張丞相除樞使都督

恭審疇咨元老首冠鴻樞自祖宗欵丹于日書臣先
施此典宜神圣又一新于督府爰奉徽章國重以人
德浮于位恭惟某官道侔三代之佐學闋百世之師
即之溫然乃名滿寰區而不處識其小者謂才兼文
武之有餘國論万变而守如初孤忠百鍊而难于合
胡馬南牧折箠以斃其首衮衣東征投戈而拜吾父
而其淹恤于邊國曷若逆歸于廟堂蓋欲傾海以洗
乾坤公之始願則不以賊而遺君父誓不俱生上勉
狗于精誠礼姑崇于宥密閔河響動華夏氣舒万口

騶呼孰不誦諸葛出師之表諸生延佇又將磨武公
入相之詩某吏卑言還郵傳聿至語心獨喜尚見太
平于桑蔭未徙之間引頸非遙行望餘光于槐陰已
成之下其為頌詠罔既敷宣

賀張丞相再相啟

伏以風雪方壯公承 帝命以遄歸乾坤為開天喜
公歸而復相旋倪如堵騶拊成春惜其怀玉而久淹
爰其據鞍而未老恭惟某官巍然三代之佐展也百
世之師惟有孤忠流坎不為之改使無讒口恢復豈
待于今運屯則亨天定乃勝上方廟英明之度人始

知平泰之期閱百曹參曾何損益得一傳說足可枝
梧蓋將正君以中庸大孝之書強國以慶曆元祐之
政山川雲而有時雨亟蘇吾民日月亭午而無邪陰
更求衆正次第起惟新之治庸詎曰中興之難聳觀
遠圖倚俟丕烈其所欣則大况適其逢挹彼梅羹敢
萌染指之想故如麥飯或助加邊之須

除臨安府教授謝張丞相啟

漫仕為親曾或美官之暇擇中都分教誰云宰物之
弗遺蓋初心敢未于乞漿不自意何從而得鹿古之
所謂知己今不在于我公伏念某生而立園少也筆

研墮在百僚之底忽其半世之催頗歎陳臣所抱于事
功万分其誠獨不見若昔之矣幾至幾机許其逢則復性
以自怡彼在天其何而覓官聊尔耳于澤則謂之何
三入脩門肯投書于光範再隨官牒其摘紙于藍田
不擬此來適遭大拜方震築巖之兩首沾惠棘之雲
繫天府之李官次矣闕之教哉立諸生于館下盍棟
文孺授弟子于國中是資矜式奚其誤墨及尔淺聞
惟愁倚講習以不譚此非子產座敢攻無容遭而独冷
及教人為茲蓋伏遇某官忠大而天為通德盛而人
自伏十年江海草木亦資其藹望歸再秉鈞衡社稷頓

從而增重方將文武之並用歆卷闕河于一征寸長
不捐小子何取其敢不戰思其報李殖其耘售生徒
以場屋速化之方堪羞薄陋醫士俗于名節以類之
後所願宣明

代零陵昌令迎龔令啟

伏審馬蹄踐雪叱使御以南來山意放梅禱詩人之
遠與声隨風而先至仁而春而併回欲罷不能我自
笑故將軍之陋武歌且舞民爭迎新令尹之賢恭惟
某官收歛垂天之翔低徊製錦之功巧蓋小試惠緩于
巖邑以養成經濟之壯怀愚溪西丘端未妨于覓句

石渠東觀即祇召以讐書某日跋光塵霄馳夢想于
里命駕能無跋履之勞一尊論文行有親炙之樂

賀兵部胡侍郎啟

恭審對天之寵行下之卿持橐豈非至勞人輕則否
選衆而得此老國重方增一矣已多四海有恃恭惟
某官傳道為諸儒之福御風倘造物者游見于文章
蓋其至直凜然忠義塞乎乾坤群邪重足而恐其來
吾君注想而歎其屈召歸來著再閱星霜天何屢免
而稀遷政緣自重而難合迨茲人望之極乃陟從班
之崇方虞正道之寢微所賴我公之独在靈修教化

要回天却日之功申椒不芳待轉石拔山之論至于
珠玑境土疥癬裔夷憂不自它慮非所急諫行則就
道合則從其迹相之登要路于百僚之上又有大者
奉明主于三代之隆某得之傳聞楚然欣喜豈特為
鄉里而賀而蒙其光以此卜朝廷之具宴受其賜

嘉定元年春三月男 長孺 編定

端平元年夏五月門人羅 茂良 校正

